



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicoꝝ Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt LVI. S. Evermari Collegivm Rvthense in d. Leodiensi.

urn:nbn:de:hbz:466:1-11227

Leodicensi monasteria construxit, ad titulum Sancti Pauli Apostoli, & ad titulum sancti Martini Episcopi. Ita Sigebertus in Chronico.

Instituit autem Heraclius Canonicos viginti, quibus decem alios Notgerus Episcopus adiecit; ut ex historia vitæ eius constat; in qua sic legitur: *Ecclesiam Sancti Pauli à fenestris supra consummauit, & bonis adiectis, ubi viginti tantum erant Canonici, triginta perfecit.*

Aegidius Bucherius in Chronico suo tradit templum istud Sancti Pauli ab Eraclio siue Eueracro anno Christi 967. inchoatum fuisse.

CAPVT LVI.

S EVERMARI COLLEGIVM RV-
thense in d. Leodiensi.

S Euermarus Martyr fuit nobilis Friso, qui succrescentibus cum ætate meritum virtutibus, ad sancta loca peregrinabatur. Cumque Traiectum iret ad Sanctum Seruatum, diuertit in territorio Tungrorum apud Hacconem quendam in filua Harsclapia, cum septem suis Comitibus: Qui, ut erat tyrannus, beatum virum cum dictis comitibus interfecit. Honoratur verò inter Dei Martyres à Rathensi Ecclesia, & à vicina Tungrensi, ad quam singulis annis Sacrum corpus defertur. Ossa eleuauit circa annum 968. Heraclius E-

G 5

pisco-

piscopus Leodiensis: quam eleuationem tot subsecuta sunt miracula, quod descripta ingens volumen efficerent.

Porro Canonici Ruthenses per merita Martyris benè dotati non resident, sed sibi in diuino officio substituunt matricularios, aut indoctos ruricolos. Quem abusum fortassis melioribus temporibus emendabunt, aut rei indignitate commoti, aut superioris auctoritate pressi.

CAPVT LVII.

RUREMUNDENSE COLLEGIUM
cathedrale, in Geldria, ad Mosam fluiuium.

S VVironem Episcopum produxit Scotia, fertilis sanctorum virorum insula; ubi in Episcopum electus, compulsus est assentiri, & iuxta insulæ consuetudinem Romam missus est, summi Pontificis manibus consecrandus. Comes autem illi itineris & voti accessit *Plechelmus* sacerdos. Quibus per Angliam iter facientibus, adiunctus est diuinitus *Otgerus* Leuita. Qui Romam peruenientes, Apostolorum limina lacrymis rigant; altaria precibus & votis cumulant; loca sancta crebrò inuisunt. Cognita autem Pontifex aduentus causa, VVironem diu reluctantem Episcopum ordinat; eundemque honorem *Plechelmo* impertit. Quos muneribus auctos mox in patriam remittit. Inde autem data o-
portu-